



UNIVERSITÄTS-
BIBLIOTHEK
PADERBORN

Universitätsbibliothek Paderborn

**R. P. Maximiliani Sandaei E Societate Iesv Doctoris
Theologi Architectvra Christiana**

Sandaeus, Maximilianus

Coloniæ Agrippinæ, 1653

2. Analogia II. inter Spem & Parietem.

[urn:nbn:de:hbz:466:1-46065](#)

exsurgit, ut docet S. Augustinus. A quo id acceperunt
Doctores Scholastici, (a) inter quos S. Bonaventura, qui
cum ceteris adfirmat, Fidem esse similem fundamentum
reliquam molem sustentanti in ædificio spirituali, Spem
Parieti exsurgentem & erigentem, Caritatem Tecto conte-
genti & consummanti.

(a) S. Thomas 2.2. q.17. Valentia disp.2. q.1. p. 2. Malderus 2.
7. & 8.

ARTICVLVS II.

ANALOGIA II.

Inter Spem & Parietem.

EST etiam similis Muro, aut Parieti Spes, quod illæ
ædificium cingit, & à malorum incurſu tuetur: unde
Poëtis pro tutelâ ponitur. decantatum est illud Seneca
Tu præsidium Phrygibus fuisse.
Tu Murus eras.

Id verò etiam facit Spes, quæ virtutes, nempe alias De-
mus Sapientiæ partes suo ambitu complectitur, & ad
versiorū impetum repellit. Agnovit hoc Spei officium
Ioannes Cassianus, qui ex sententia Abbatis Chæremo-
nis ita differit: (a) Tria sunt, quæ faciunt homines à vi-
tiis temperare: scilicet, aut Metus gehennæ sive præsen-
tium legum; aut Spes, atque desiderium regni cælorum;
aut Affectus boni ipsius, amorque virtutum. Nam Ti-
mor ita mali contagium legitur execrari: Timor Do-
mini odit malitiam. Spes vitiorum omnium excludit in-
cursum: nimirum, quia veluti paries ambit speranten.

Non

(a) Collat. 11. cap. 6.

ceperunt
ntura, qu
damento
ali, Spen
co conte
lderus 12

Non delinquent omnes, qui sperant in eo, inquit Propheta. (a)

(a) Psal. 33. 23.

ARTICULUS III.

ANALOGIA III.

Inter Spem & Parietem.

PARIES est Septim, quod in utroque ædium latere, domum unam ab altera dirimit. Id quoque præstar suo modo Spes. Quod ut intelligatur, & utilitatis aliquid inde hauriatur. OBSERVO. Aliam esse Domum in hac vita degentium, aliam ex hac vita ad alteram translatorum. Illa dicitur *Domus Viatorum*, de qua disputamus: hæc in termino consistentium, tum *Beatorum*, tum *Dæmonorum*. Quis paries utramque hanc domum distinguit? Non Fides: nam in inferno Dæmones etiam credunt & contremiscunt. (a) Non Caritas: nam in Beatis est Caritas perfectissima. Murus dividens est Spes: hoc enim solum est in iis, qui nondum ad vitæ terminum perverserunt. Imprimis enim Beati ævo felici fruentes non habent amplius Spem. (b) Siquidem Spes versatur circa bonum, quod futurum est, & haberi debet cum aliqua difficultate. At beatitudinem jam possident ad cœlum admissi, neque est illis ardua. Spes, quæ videtur, inquit Paulus Apostolus, non est Spes: nam quod videt quis quid sperat ad Rom. VIII. Sensus est, quando Spes videtur, id est, res sperata olim, possidetur per visionem Dei, naturali quædam sequela Spes evacuat, ut jam sperari desinat,

Hh 4 quod